

## Paul-ŋum Tuyuutai Philemon-mun

<sup>1</sup> Uvaŋa Paul tigutaanuruana piqutigiplugu Jesus Christ, aasriiŋ Timothy aniqatigikkaqput uvamniittuqtuuq. Aglaktuŋa uumiŋa tuyuutmik Philemon-mun piqqagikkamnun savaqatigikkamnun, <sup>2</sup> suli Apphia-munlu piqqagikkaptiknun Archippus-munlu anuyyiuqtauqatiptiknun, ukpiqtuanuruunanlu katisruuruanun tupipnun. <sup>3</sup> Uvvatuq Agaayyutim Aapagikkapta Atanguruamlu Jesus Christ-ŋum iluaqqutiqqaglisi tutqiutiqaqtillusilu.

### *Philemon-ŋum Piqqaksriŋhalu Ukpiqsriŋhalu*

<sup>4</sup> Quayagiga Agaayyutiga itqaŋiplutin iniqsruqama, <sup>5</sup> tusraapluna piqqaksrisilaapnik iluqaitŋik Agaayyutim iŋuiŋik suli ukpiqsrisilaapnik Atanigikkaptiknik Jesus. <sup>6</sup> Piqatigiŋiŋqput ilipsitŋi ukpiqsriruanuruani piŋuqtuksrauruq ilitchuŋitlasriŋusri ikayuutipayaanik piŋikkapsitŋik Christ Jesus-mi. <sup>7</sup> Aniqatmaan, quviatchaigikma arautiqaqlunala piqqakkutillaŋku, atakkii ilisimagiga quviatchaiŋiŋ iluqaitŋik Agaayyutim iŋuiŋik.

### *Paul-ŋum Iniqsruutigaa Onesimus*

<sup>8</sup> Taatnamik inŋigvigillagukkikiŋ sumik piraksrapnik tiliŋhiŋaugaluaqhutin, aniqatigiŋiplutin Christ-mi. <sup>9</sup> Uvvasuli Christ-ŋum piqqaksriŋhagun tilisunŋitchikiŋ, aglaan uvaŋa anayuqaaqtuami, isiŋtaupluna piŋigiplugu Jesus Christ

injǵvigisrukkikpiñ. <sup>10</sup> Tarra injǵsruǵikpiñ pigiplugu Onesimus iǵñigiliutikkaga ukpiqsriliqman Christ-mik qiliqsimaǵamni pituutani. <sup>11</sup> Taimma qaaglaanimña ikayuutaungitchaluaqtuq ilipnun. Aglaan pakma ikayuqtigũqtuq ilipnunlu uvañnunlu. <sup>12</sup> Utigmun tuyugisraaqsigiga. Akuqtullañniagumagiñ irrusriñigutilugu uvamnik liilaa pipmatun. <sup>13</sup> Nayuqtigisrukkaluagiga uvañni illugu. Savautinayaġaaña iniksraġaluapni qiliqsimaǵamni piqutigiplugu tusraayugaagiksuaq. <sup>14</sup> Aglaan suyumiñaipiaqtuña apiqsrullakkaluaqnak. Nakuurualiqiñ piyummatigillapiaglugu nunuripkasruñaqnak uvañnun.

<sup>15</sup> Taatnaqhuni aullaummiuraallaguknaǵniqsuq ilipniñ, ilipnun utitlasripluni iñiglugu. <sup>16</sup> Uvakaniañaglaan savaktaagrũhiñaungiqsuq ilipnun aglaan nakuqsitluktũq savaktaagrũmiñ. Onesimus ukpiqsriaqsikami Christ-mik piqpaknaqsiruq aniqatigiliutipluni uvañnun aglaan pitlũkũguunniñ ilipnun, takku Agaayyutim pigiliutipmigaa iliptuntuuq. <sup>17</sup> Isrummatigigupña piqatnaagipiagluña, paġlayumagiñ utiqpan uvaktun ililugu. <sup>18</sup> Suli qitkutiksriñiqpan suurapnik taimani qimakami suli niġġiuqsrumaqaqpatin akiilliutiyumagiñ uvamnun. <sup>19</sup> Uvva aglaktuña argamnik itna, Uvaña Paul akiliġñiapiagikpiñ. Itqaaqtuutingitchikpiñ qanutun niġġiuqsruutiqaqtilaaqnik uvamnun. <sup>20</sup> Aniqatmaanġ, quyalisallaññaña pisigilugu Ataniq, quviatchaksagluña aniqatigipluña Atanguruakun.

<sup>21</sup> Aglaktuña uumiña ilipnun nalupqigiñgitlugu



**Ippitchuat Makpigaaat - Agaayyutim Uqalhi**  
**Inupiatun**

**The New Testament in Northwest Alaska Eskimo**

copyright © 2010 Wycliffe Bible Translators, Inc.

Language: Inupiatun, Northwest Alaska (Northwest Alaska Eskimo)

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-25

---

PDF generated using Haiola and XeLaTeX on 21 Feb 2024 from source files dated 31 Aug 2023

46cece15-9127-50b3-bf07-88a1082e7ab6